

樊山公牘卷四

恩施樊增祥肅父

會稟糧憲

稟明會查軍糧尚無中飽弊在隱混失
迭擬另籌簡易辦法以期逐漸增多由

敬稟者竊

卑職涵和

於光緒二數之多寡亦不一。大何憲臺札開。前據咸陽縣稟

覆。會查該縣屯更地畝。議擬章覆。會查該縣屯更一日。仿照辦理。合將章程粘抄。

札委該員。刻即馳赴渭南。會同札委該員。刻即馳將屯鄉。分別里甲。督率里長甲

長將屯更地畝。俱令報出地主。長將屯更地畝。俱一分係何人承種。畝數若干。應

納糧若干。一併分晰註冊。嗣後納糧若干。一併分西十准催糧。不准代收銀錢。以

杜弊混等因。奉此。

卑職涵和

旋杜弊混等因。奉此。馳抵二日。馳抵渭南。先是。

卑職

增祥

於三月十八日。接奉憲札。並同前由等因。到縣奉此。並屢奉手諭。飭將書役

中飽者。取而還之於公。誠念時事多艱。胥役少一分之弊。即公家增一分之利。為

印官者。苟非至愚極庸。誰肯庇差玩公。自干重咎。伏查陝西十八州縣。經徵憲倉。

屯更各糧額數之多寡不一。收數之多寡亦不一。大要皆收不足額。其多者完至

九分。少或七八分而止。此歷年陝西道倉之大較也。以渭南軍糧言之。原額夏秋

兩季共糧九千八百六十餘石。歷年完納分數。除荒地無著外。約至八分三四厘而止。其未完者。尚有千餘石之多。憲台疑為中飽。該糧差等百喙何辭。惟查陝省軍糧積疲已久。各屬皆然。每奉嚴札迭催。印委倉皇。糧差賠墊。甚有官為墊納者。其中艱難情況。各屬皆身受之心。知之然無一人敢言者。誠以

天庾正供。理宜掃數。若謂必無中飽。恐滋仁憲之疑。而兼獲庇差之咎。是以下情終不上達。卑職增祥幸蒙列憲特達之知。不至疑為不肖州縣。敢將道倉實在情

形。為我憲台瀝陳之。朔查同治初年。猖匪搆逆。縣城失守。檔冊均焚失無遺。其存在各衛書之手者。亦遺落大半。及亂後啓徵。糧差挨戶查詢。花戶僅憑口報。短欠之原。實由於此。自同治兵亂。糧戶死者不知凡幾。光緒三年旱荒。死者又不知凡幾。戶倒糧絕。無從著追。故自兵荒以後。承平者幾三十年。旱荒以後。綏豐者又二十年。雖逐年搜查。而失迷過多。驟難復額。語其弊混。約有數端。一曰以軍混民。以輕重論。軍糧重而民糧輕。以遠近難易論。民糧就近投柜。其勢易。軍糧遠赴省城。其勢難。巧黠花戶。俸其糧冊有存。往往以軍地混入民地。其弊一。一曰以衛混營。渭南獮民最多。種軍地者。獮民亦不少。自軍務告竣。全境遂無一獮民。其田廬盡

成叛產督墾局按年取營田租軍地即不免羈入其內其弊二一曰以此混彼渭南地畝與犬荔蒲富犬牙相錯狡黠軍戶居近大荔者則稱在大荔完糧居近蒲城者則稱在蒲城完糧究在鄰縣完納與否不得而知事關兩縣隔屬既未易清查底冊無徵衛書亦無從考較其弊三一曰以少混多渭南軍地糧則向分二等其上者曰官下地每畝夏秋共納糧八升零其次曰軍地每納五升零自底簿失遺以後種官下地者恃無質証概照下則完納無一畝完八升者暗中虧損糧賦不少其弊四有此四弊歷年倉糧因之短絀

卑職增祥

渭南待罪已歷四年平時

遇事考求略悉其中委折徒以地處衝繁才薄能淺未能專力搜求查光緒二十年倉帳夏秋兩季共完糧七千八百一十六石計其分數實止八分四厘其短欠之由大約不出以上四端而其中又有截長補短之法今試以各票言之渭南軍糧向分二十二票分隸四糧班經催其閒地有肥磽糧有多寡戶有貧富差役有能有不能通票之糧有完過九分者有僅及七八分甚有僅及五六分者合而計之以此票之有餘補彼票之不足方能完及八四之數此各票情形之不同也以各鄉言之頭鄉四鄉土地較腴每年所完約在八分五厘以上二鄉三鄉戶疲地

瘠每年所完則在八分三厘以下。合而計之。以頭四鄉之有餘。補二三鄉之不足。甫能湊成八四之數。各糧差彼界此疆。誰不為己。借使稍有中飽。則頭四鄉之糧差。必不甘以贏補絀。此又其易知者也。以卑縣考成言之。必須徵之九分以上。方能免議。卑縣軍糧。雖不及九分。民糧則徵過九分。合而計之。以民糧之有餘。補軍糧之不足。是以歷任以來。經徵官倖免處分。各花戶亦不至過受追呼。此又憲德高深。官民交感者也。自去秋憲台蒞任以來。認真公事。軫念時艱。力杜抽吞。規復舊額。卑職考成所係。何敢不竭力比追。每當函札交催。即將四班頭役。重枷重比。

明知該役於此一項。本無中飽。且有墊賠。然兵食攸關。勢不得不迫而出此。以現在截止而論。光緒二十一年。夏秋兩季。共完糧八千一百九十餘石。秋糧一項。較之上年。多完三百七十餘石。計其分數。加多四厘有奇。實已徵止八分八厘以上。雖所欠尚不止一分。而印委之力。已竭矣。此次卑職涵和到渭。會同卑職增祥調

閱軍糧。文卷冊籍。究問衛書。訪詢耆老。如右所陳。概無虛謬。亟宜籌一辦法。以副憲意。而裕倉儲。業於本月初七日。遵照憲札。會銜出示。曉諭各票糧差。衛書花戶人等。將現戶的名。地畝坐落。及完糧實數。迅速造冊呈案。以憑會查。惟細繹咸陽

章程似有不能照辦者。彼蓋以憲意註在中飽故。其章程全就剔除中飽立論。而於糧賦之失迷隱混如何而始能清理如何而始能加增。並無一語道及是其承順之處正其敷衍之處也。卑職等謹按第一條曰冊載花戶皆須的名。此固夫人

而知之矣。但恐查取的名以後所完之糧萬一不及現納之數。則差之賠墊顯然矣。欲除賠墊之害。而又使分數加多。斷非專查的名所能了事。其第二條曰催糧。旂總宜復舊制。此真糧差禱祠以求者也。查光緒十二年。曾升憲任內。改收折色。曾經委員通查遺倉積弊。各州縣有軍糧者。一概設立總旂。咸陽亦在其內。不得曰無總旂也。就渭南而論。設有總旂二百四十七名。然十年以來。官不識總旂為何人。人民不知總旂司何事。蓋趨利避害。人情類然。各總旂一經承認。則差役置身事外。而該旂獨任仔肩。夫有著之糧。尚且疲抗。況無著之戶。何能代完。萬一完不足額。則血比押追。總旂身受其禍。是以人人視為畏途。推手不管。今欲復舊。須先將糧賦歸實。務使地數糧數與現完之額相符。承催者不致受累。更須仿照里長承催民糧之例。為各總旂籌出口食盤費。方有人肯任其勞。似非空言輪流舉報所能了事。其第三條曰嚴禁糧差力除中飽。夫胥隸之名。見於周禮。庶人在官。孟

子言之。書役誠多弊害。然亦視駕馭何如。專就軍糧言之。旂總二百餘名。花戶不計其數。豈能毫無端緒。逐一比追。卑職增祥向來催科。唯總役是問。蓋印官比總

役。總役催糧差。糧差催甲長。甲長催花戶。層遞而下。公事方有把握。况軍戶之疲。已成習慣。奏銷期迫。勢不能不責成糧差。先行墊完。若俟挨戶喚比。則票傳未到。而例限已逾。如考成何。凡此情形。實屬各州縣所同。特他人不肯吐實耳。苟糧賦全數查清。毫無賠累。總旂按卯赴省完納。則差弊不禁自絕。今糧賦未清。總旂未定。而曰嚴禁糧差。似亦徒言而不能行。其第四條曰。奏銷之後。挨查欠戶。似即閭文介徵信冊之遺意。其法每年奏銷以後。輕騎減從。親赴各村落。查驗串票等語。夫經催軍糧。不過州縣應辦之一端。其緊要公事。尚不知凡幾。豈能逐日逐村。親查欠戶。况總役催糧。尚且責成各票。而縣官查票。竟須徧歷窮檐。且軍糧若此。民糧事同一律。豈能密於此而疏於彼。若兩端並舉。則是為印官者。永無辦公之日。但有查票之工夫。粉飾荒唐。莫此為甚。况糧戶所掣之票。即憲台所發之中票也。縣檔既有中票為憑。其完欠不難稽核。何必更行查閱。是此一條。尤不足論矣。卑

職

等既以咸陽章程為未善。則必籌一可行之法。以慰憲懷。查現在入手之初。自

應將現戶的名。及完糧確數。實力清查一次。然既有失迷隱混諸弊。則現戶所完。必不能滿九分之數。勢必從民地營田。以及交界處所。逐細搜求。是查一軍地。而使闔縣農民。隔屬地戶。一齊騷動。亦非仁憲恤民之心。而且頭緒紛繁。非設局專辦不可。曠日持久。費日何出。且當清查未定之際。糧差花戶。互相維持。恐於糧額無增。轉於現完分數有碍。蓋未查之時。可以籠統加催。查明以後。肘見踵出。則差必不肯墊賠。官亦難於刑比。是江夏王鋒所言。欲益而反弊也。然則賠墊既不堪。清查又不易。將遂聽其失迷隱混。畏難苟安而已乎。是又不然。夫功以漸進。則有序。而急遽者無成。事以簡易而可行。而繁苛者非法。卑職等反覆籌商。總以糧數

增多為第一要義。通計二十一年分數。已在八分六厘以上。請自二十二年為始。夏秋兩季分數。但准加多。不准加少。其失迷隱混各地畝。勿論其為民糧。為叛產。為鄰境。為上則下則。一概責成糧差。衛書各催各糧。即各查各地。隨催隨查。隨查隨報。隨報隨徵。隨徵隨即註冊。每票皆然。每季皆然。若有一票不查不報。則虧短之數。即令該差墊賠。各糧差利害切身。誰不悉心搜剔。是糧額既不言而自加。公事亦不勞而自理。不出數年。完數必在九分以上。惟每歲所加之數。仍求憲台格

外矜恤以一二厘為度。蓋增納過多。則差役不免墊完。墊截過多。則百姓終於受累。此又無待瀆陳者也。卑職等熟商旬日。意見胥同。所有查明軍糧尚無中飽。其弊在於隱混失迷。以及咸陽章程似未盡善。擬另籌簡易辦法。以期逐漸增多。各等情。理合據實。縷晰陳明。稟祈憲台鑒核批示。祇遵實為公恩兩便。卑職涵和一
面會稟。即一面親赴各衛。查取現戶的名。及地畝坐落。合併聲明。除將此稟繕具清摺申貴列憲查考外。肅此具稟云云。

委審臨潼民人房秀柱上控房太明等一案詳稿

渭南縣為詳請銷案事。光緒二十年十一月初四日。奉憲台批。據臨潼縣民人房秀柱。以嗔控愈兇等情。上控房太明等一案。除原詞申繳不敘外。奉批。衅起強佔地基。被毆受傷成廢。何至批縣年餘之久。並不根究。所稱縣役陳明。從中弊弄。恐非無因。姑仰渭南縣就近關提一千人證。到案查核。控詞驗訊確情。秉公究斷。具報。分任蔓訟。詞發仍繳等因。到縣奉此。竊惟房秀柱所控侵佔地基。應以契約界石為斷。毆傷成廢。應以原驗傷單及現在目驗情形為斷。書役弊弄。應以贓證為斷。均不得空言無實。遵即關提人證卷宗。去後旋據原告房秀柱具呈投案前來。

核與奉發原詞無異。當即批令其子房禿子來案驗傷。而房秀柱始終匿子不現。茲於十一月二十六日。准臨潼縣移解人證卷宗到縣。詞證趙福一名。半路脫逃。當即檢核原驗傷單。房子禿子兩賺。僅止木器微傷二處。並無折傷成廢情形。復經詳閱。施令傳令兩任供判。提同現到原被人證。虛衷研鞫。除各供省繁不叙外。該渭南縣知縣樊增祥。審看得上控原告房秀柱。年六十一歲。臨潼縣人。係被告房太明之族叔。連牆居住。素好無嫌。光緒十二年。房秀柱因事緊迫。央房大明管揭劉姓錢一百串。由房秀柱出約。質地十七畝。歷年本利未還。房大明住庄後。有房秀柱空地三分。栽有界石。十六年三月。房大明牆塌。另築土工。誤將界石碰倒。旋即照舊栽立。秀柱並無異言。旋因房大明管揭劉姓之項。累年賠利。向秀柱催償。由此生衅。十八年三月。故令其子房禿子。在房太明牆根起土。其時太明攜子房甲子兒。丁卯兒。在省應考。次子癸酉兒。在家瞥見。向阻。與禿子口角爭毆。互控。施令案下。當經施令驗訊。得房禿子。僅止兩賺。毆受微傷。無關緊要。而房秀柱父子。不應挖土故害。飾傷妄誣。將禿子掌責。斷令嗣後不准。在房癸酉庄後起土。取結完案。詎房秀柱竟不遵斷。輒以挾嫌謀害等情。奔控憲轅。蒙批該縣訊詳。當

經傳令傳集人證。訊與施令原審無異。斷令房秀柱眼同書差及村約陳金玉。照依舊日牆根栽立界石。其轉揭劉姓錢一百串。仍令秀柱設法歸還。取結詳銷在案。詎房秀柱仍不遵斷。聽其親家劉義村人趙福房金貴王峻。捏以毆傷成廢。書差弊弄等情。復控憲轅。指金貴趙福作證。蒙批卑縣訊詳。遵即移提人證卷宗。前來反覆研結。均與施令傳令原審無異。查房太明築打後牆。事在十六年三月。如果侵佔秀柱之地。一分有餘。彼時即應阻擋。何以遲至十八年。因挖土口角。始興訟端。况經鄉約陳金玉眼同立石。房秀柱空地實只三分。並非五分。是所控侵佔地基不實。至稱其子房禿子被毆成廢。查十八年三月三日。房秀柱在施令案下具呈。但稱其子肚腹疼痛。並無折傷之言。及刑仵驗明。又只木器輕傷二處。四月初九日。施令堂訊。因禿子挖土挑衅。掌責示儆。如果已成殘廢。豈有復加刑責之理。而且案經控准改發卑縣驗訊。如果殘廢屬實。亟應使禿子來案請驗。豈有避不到案之理。是所控毆傷成廢亦不實。至稱書差弊弄一層。凡身任地方者。苟非至愚極庸。誰肯以自己考成付之胥役之手。施令傳令。均素號嚴明。其不至受弊。書差實堪共信。關中風氣。凡上控案件。無不牽控書差者。而房秀柱此案興訟之

初僅癸酉禿子互控而已。秀柱蔓訟三年，愈添愈眾，計其被告除房太明房癸酉而外，又添控房太順房甲子房丁卯房馬駒房五合房六娃在案。太明一門父子兄弟叔姪搏噬無遺。至此案承票差役僅耿順一人耳，而房秀柱又噬及書吏崔長清。總役陳明村約陳金玉王福清任口牽誣，毫無影響。經卑縣駁詰再四，房秀柱始稱並無侵佔地基及書差弊弄等情，惟因禿子未到，堅稱已成廢人，當經諭令出具生死甘結，立提禿子來案親驗。如果成廢，罪坐被告；如未成廢，罪坐原告。秀柱無可遁飾，俯首認誣不諱。案既質明，應即斷結。查秀柱屢次誣牽，不僅為挾嫌搆訟也。蓋一則由於恃老，一則借以抗債。查房太明代揭劉姓之帳，傳令斷令秀柱歸還。而至今不還，伊不控太明，則太明必控伊，故以誣扳為聳准之由。即以拖案為抗償之計。自十八年興訟，施傳兩令，念其年老未加刑責。伊自以為挖土害人，剃刀種命，上控官長，任我所為，而始終不責一板，尚復何所畏懼？而又有房金貴趙福等為之主謀，是以益形胆大。卑縣察其老而愈健，雖打無妨，試明後重加刑責，以奪健訟之氣，斷令回家各管各業，永不准在太明牆根取土。其所欠劉姓錢文，流期交還。如再不還，准將所質之地十七畝撥歸劉姓管業。既已受責，導

斷姑免誣告之罪。房金貴唆訟偏證。咎責遞回。趙福畏審脫逃。移請臨潼縣查傳責儆。解役單福疏脫詞證。亦經重責。其餘被證人等。訊係一概被誣釋回。省累所有訊斷緣由。是否允協。理合詳請憲台鑒核銷案。實為公便。為此具申。伏乞照詳施行。

通稟

會委員行稟復遵札飭修堡寨籌辦團練並請於東原添築砲臺由

敬稟者。竊

卑職總

於光緒二十一年閏五月二十七日。奉到

本府憲臺轉奉

撫憲札

飭以甘回構逆。陝省須加意嚴防。防堵之法。以堅壁清野為要務。飭即馳赴臨渭二華潼關等處。會同地方官修理堡寨。整頓團練等因。奉此。遵即束裝出省。於六月十二日。由臨潼馳抵渭南。先是

卑職增祥

於閏五月間。接到兩縣公函。嗣於六

月初三日。接奉

本府憲台轉奉

撫憲

札飭。並同前由。當即恪遵。不動聲色之諭。傳

集紳衿寨長人等。妥商勸辦。各紳民身家念切。莫不樂從。伏查防患未然。以修葺堡寨為第一義。未奉札飭以前。縣屬孝義信義倉渡各鎮。業由各士紳自行稟請。修築堡牆以資保衛。奉札後復經通行諭飭。凡舊有堡寨之處。一律興修在案。至團練之法。厥有五利。而又有四忌。一難按甲出丁。猶存古人寓兵於農之意。利一。

有事可資戰守。利二。無事亦可防盜賊。利三。有丁有械。閭閻恃以無恐。利四。健壯子弟。收為練丁。不致為刀匪光棍所誘。而反足以制匪類。利五。然辦理不善。則流弊亦多。一忌張皇印委各官。博能事之名。挾見功之意。徧張示諭。繁立科條。議雖多而無成。民求安而反累弊。一忌粉飾號衣旗幟。陳列於上官過境之時。軌里連鄉。鋪張於幕友刀筆之下。及事過則僱丁盡散。僅費半日口食而已。核實則故事奉行。無非紙上空談而已。弊一。二忌擾亂運砲上城。調團進縣。並有勸民遷徙者。民心本自浮動。至是益復驚疑。弊三。一忌招募地方官一聞辦團。先募城防勇若干名。夫在官本有壯快二班。而各里抽丁。更可隨時增減。何必舍湜徵易。徒然多耗胥糧。蓋無事則勇丁不過飾觀。有事則所募終歸無用。弊四。至其最難者。則莫如籌費。團練章程多云。載在政書。詳於案牘。而獨至經費一層。鮮有言其所從出者。夫辦事必先籌費。而最難莫如勸捐。此時修寨練丁。固當合羣力以為先事之防。尤宜留餘以備非常之用。若時當無事。先已竭澤而漁。一旦真有兵戎。轉致歎於民窮財盡。計亦值矣。况捐款有用罄之時。而團練常行之道。所捐既盡。將再捐乎。抑罷練乎。甚至門攤戶派。謗議繁興。抑勒書捐。商富疾首。及捐資既集。或

丁胥蠹食。或紳士瓜分。皆事之所常有者。法當盡絕其弊。乃可徐睹其效。

卑職增

祥奉札以來。熟思審處。博訪旁諮。計惟有寓團練於保甲之中。乃有合於

憲台
撫憲

持以鎮靜。不動聲色之意。茲擬定團保章程十二條。經費章程四條。謹另摺鈔呈鈞鑒。大指各里練各里之丁。民不以調操為苦。各家備各家之械。器不至窳朽不良。以鄉正統攝各里。則領袖有資。以差局兼辦團防。則局用可省。至費之所出。畧分二等。有一捐不再捐者。則紳商樂輸是也。有常年取給於民。而民不覺苦者。則每年每畝攤錢四文是也。大易曰。易簡而天下之理得。蓋易則易知。簡則易從。易知易從。然後可以經久。卑職聽馳抵渭南。檢閱章程。意見均屬相合。業已諭飭各鄉正里。止次第辦理。至修寨一事。已有眉目。查渭邑大村大鎮。九十有八。小村六百四十有五。俱以小村附入大村之內。河北平地各大鎮。均有堡寨。河南東西兩原。則向無堡寨。河北諸大寨。完缺不一。此時補築。工之大小。費之多寡。亦不一。而終歸於修葺完固而止。自閏五月先後動工以來。其修理完竣者。二十一寨。已修未竣者。二十九寨。商修未定者。四寨。此皆有基可因。故成功亦速。至兩原不乏大村。而向無堡寨。此時平地為山。工費實非易易。卑職等傳集紳士。村正人等。剴切

勸導羣以為難。復詢以從前捻回之亂。何以河北各籌自保。兩原獨不畏寇。則以兩原坡路斗絕。賊騎不能頻至。不若平地受害之甚。而原上諸村鎮逼近秦嶺諸山。其貧民家無長物。不甚畏賊。其富商巨室。莫不家有地窖。一聞寇警。則物藏地下。人避山中。賊至一無所掠。亦與堅壁清野無異。故自髮捻回逆迭擾以來。卒未修寨。而富室亦不甚受傷等語。卑職等體察情形。兩原各村鎮既素無城垣。似可暫仍其舊。惟先將有基可恃。現在已修未竣者。督令一律趕修。統限七月內告竣。以便會同往驗。惟查縣城東南角。逼近東原。原高於城者丈餘。登原下視。城在釜底。故曰守城非守原不可。欲守原非添築砲臺二座。互為犄角不可。再查縣城雖經前任嚴令繕葺。然只修其少半而止。城樓垛堞多缺有殘。今年隱雨連縣。城垣復間有陷圯。自應一律修建完固。以備不虞。其修城築壘之費。業由卑職增祥籌有的數。俟勘估已定。另稟上陳。所有會同辦理渭南修寨練丁各緣由。理合稟祈大人鑒核批示。祇遵除徑稟云云。

計鈔呈告示一通。章程十六條。

撫憲批

據會稟議辦各節。均屬妥協。足見實心任事。絕非紙上空談者可比。仰

仍悉心籌畫。次第舉行。務須運以精心。持以定力。期收實效。本護部院有厚望焉。即移該委員遵照。繳清存摺。

藩憲批 據陳五利四忌。一難確切不虛。非麗筆華藻可比。事理規畫。具有治幹良不易得。值此時艱。亟望振厲。以為諸牧令倡也。仰西安府轉飭該縣。即照所擬核實舉行。為民經久。成政一律。隴事未靖。眾志宜齊。保甲團練。固不當分為二事。尤應提攜士彥。實力聯絡。豈維禦寇善政。皆可以行矣。以該令書牘。暢言治理。故亦不憚紛呶。樂與商正。所謂非人無與發之。並飭委員知照。仍候撫憲暨臬司督糧道善後局批示。繳摺存。

勸修堡寨示

為遵札修築堡寨。以衛民生事。照得同治初年。髮捻入秦。逆回倣擾。吾渭奉札。各修堡寨。嗣至同治六七年間。雖餘寇頻至。而無所擄掠。民得保全。賊亦就殄。此堅壁清野之明效也。今承平日久。堡垣大半傾頽。前者循化回變。吾民遂驚懼遷徙。是築修堡寨。實今日第一要義。節經信義倉浚孝義等鎮。稟請捐資動工。業已興修將竣。其餘各鄉各堡。亦經嚴諭。設法籌修。查各堡寨。大半積有公疑。儘可鳩工。